

Bal di 25 ani drët garatà

I cumëmbri dla Grupa de bal populer de Sëlva y S. Cristina à ulù festejé deniamënter si cher' de secul, cun n bel bal. Truep balarins da dlonch caprò ie unic adalerch te Sëlva



Bona ueia y devertimënt ntan l bal te Sëlva.

Lies - Tla ultima enes ova duc i cumëmbri dla Grupa de bal populer de Sëlva y S. Cristina n gran note a njenië ca la pitla sala tla Cësa de Cultura de Sëlva per la festa di 25 ani. N venerdì ai 12 de setëmbër fòvela pona tan inant: bel abenëura se ova i doi bon cueghes Paul Perathoner y Pepi Pitscheider, a chëi che ti va sambën na gran lauda y nosc gra, abinà tla cësadafuech dla pitla sala per njenië na bona cëina. Chësta ova la Grupa urganisà per duc i cumëmbri che à dat ca mpue' de

si tēmp per la Grupa, dal di dla fundazion nchin a ncuicundì. Mpue' do la 9 à pona l presidēt Martin Zingerle giaurì l bal per duta la jënt y bel prësc fova la sala tocia y plëina. Nia mé jënt da tlo, ma nce cumpanies y grupes da bal de Urtijëi, Stanecia/Steinegg, Terlan, Oberbozen, Funes y monce da Luttach. N gra ti va sambën nce ala mujiga "Tiroler Wind" che à sunà tan da druch y à abeli la sëira. Do che la grupa di Schuhplattleri de Funes ova trat su mo deplù l'atmosfera, iesen passei al'estrazion



La Grupa de bal populer de Sëlva y S. Cristina.

dla ola dla fertuna. Rengrazion duc chëi che à cumprà numeri y son cuntēnc de avëi pudù sëurandē vel' bel pest. N Dievelpaie a duc chëi che nes à metù a despozizion i bie pesć. Fajon a l savëi che l undescejim pest, na cëina per doi persones, ie mo da unì a tò ajache l ne fova nia n chëla sëira pra

l'estrazion. L se trata dl numer ghiel 248.

Inant ie la sëira jita cun na gran bona ueia, mujiga y sambën balé. N gra y na lauda ti va nce a Rosi Delazer che nes à judà n chëla sëira nchin tert a fé garaté la sëira y pona a rumé su. Rengrazion nce de cuer l Chemun de Sëlva per avëi dat ca

la sala y la Lia dl Turism de Sëlva per avëi judà tl'organizacion. La plu bela fotografies de n chëla sëira ie da udëi sun la plata internet dla grupa www.volkstanzgruppe.org.

*Per la grupa de bal,
Andreas Delago*